


Sel Prestuhn  
**Dieter F Uchtdorf**  
Mwet in Kahsruh Ahk Luo  
ke Prestuhnsi Se Met



# Tamuhlwel, Nga Otwelah Sihk

**T**amuhlwel fuhsr luo tulac fin soko ohl srihsrihk ma kuh in liyeyuck kof nwacsnwacs ke sie luhluh folfol. Sie acn na eye ke utsifac pa inge, ac tamuhlwel sac kwacna sramsramkihn in ahtulac—sie ma elos liye mwet sahyac uh oruh.

Ke ma inge elos kwewana ke orwacalah ahtu sac, tiac sie seltahl ke ahtulac met. Lusacn fuhluh sac tiacna arlac loes, tuhsruhkuh nuh sin tuhlihk mukul fuhsr luo ah, oacna in arlac loeslac ke elos ac kihluckyang nuh kac uh— ac puhlaik lalos sana wacngihnlac.

Sahflahiyac ah, sie tamuhlwel ah fihliyac la niac ke siskacn fuhluh sac ac kais kuhtuh kihluck nuh met. Ke pacl sac tamuhlwel se wiyac an mahmah, “Sahp kuht enenuh in soano nuh ke summer fahsruh uh.”

Pacl luhn tahmtahel se met ah, ne ohinge, amackuhnuhl nuh met. “Tamuhlwel,” el tohpohklah, “Nga otwelah sihk!”

El pihsrwaclihk ke inkof uh ac sana otyak ke sie sasa in kuhtanglah. Tamuhlwel se ahkluo ah oruh oacna tohkohl. Tohkohyang, elos tuhkweni isrwacsr ke kaks sahflah se luhn tuhlihk mukul se met ah met liki el sun inkof uh: “Tamuhlwel, Nga otwelah sihk.”

Otwelah se pa oacna utsifac nuh inkof uh. Kom finne otwelah sum kuh tiac. Kom finne fahsruh nuh met kuh tu na tiac mukwikwi. Wacngihn infulwac. Kuht nuh

kwewa sun pacl in sulacalah ma ekuhllah moullasr uh. In oacna mempucr ke Alu uh, kuht enenuh in siyuck sesr sifacna, “Yac ngwac utsifaclac kuh tu na siskac uh? Yac ngwac fahsruh nuh met kuh ana srihke puhla kof uh ke kufun niyuck?”

Kuhtuh ma koluk uh utiyucklac ke srihpen kuht oruh ma koluk, ma koluk sahyac uh utiyucklac ke srihpen wacngihn ma kuht oruh. In mwe otwelah se muhkwenanuh ke wosasuc uh kuh in kol nuh ke fohsack, suhpwacr, ac puhla suhfal. Ma inge tiac enenuh in kapsrweyuck nuh sesr ke srihpen kuht pa mwet olwelah uh. Kuht orwacalah olwelah nuh sin Leum ke kuht pacptaislac ac ke kuht utyak nuh ke lohm sin Leum. Mwet uh orwacalah olwelah uh nuh sin Leum ke elos akmuhsralah nuh ke pristut uh. Wacngihn ma kuh in yohk srihpac likina in liyacacng sie otwelah kuht orwacalah nuh sin Leum uh. Lwelah kuht in esam top lal Rachel ac Leah nuh sel Jacob ke Olweacng Mahtuh ah. Arulacna fihsrwacsr ac suwohs ac ahkkahlwemye otwelah lalos: “Oru na ma God El fahk kom in oru an” (Genesis 31:16).

Elos suc otwelah muhkwenanenuh in tuhpan muhkwenanenuh in eis mwe in sewowo ke fahkwack luhlahlfongi, engan ac mihs uh. Winto inkuhsrao uh kuh in ikacklah nuh selos muhkwenanenuh. Yac e tiac wel in nuhkuh,

“Ngwac otwelah sihk ke percent 50 ingena, tuhsruhk ke Kraist Lac sikme ke Tuhkuh Ahkluo uh, ngwac otwelah sihk sifacna ke percent 100”?

Otwelah nuh ke olwelah lasr yurin Leum el sie fihtac ke auliyak lasr. Otwelah nuh sin Mwet Lahngo lasr ac Alu Lal muhsahelah ohiyacsr ac ahkkweye nguhnarsr oruh ke kuht ohsun nuh sin Kraist uh, El ac tuhfah srnok kuhti ac fahk, “Kom mwet kulansap wo ac oaru” (Mattu 25:21).

Oasr ma eklac inmahsrln motko in oruh ac mukwi-kwi. Mwet ma motko in otwelah uh muhkwenah kuh in sokwack mwe ahkwoye ke pacl nuh kwewa. Mwet ma otwelah na pwacye uh sun ma upac fal ac fahk nuh selos sifacna, “Ahok, srihpac na wowo se in kotwacalah, tuhsruhk nga orwacalah olwelah uh, oruh nga fah oruh ma nga otwelah in oruh uh.” Elos suk ma suhmuhslah uh ac kwacfeacng in suk kolyuck luhn Pahpah tuhmwaclos Inkuhsrao. Elos insese ac ahkfalye wo pahng lalos ke Alu uh. Elos wi miting lalos uh. Elos oruh luti yurin sucu kuh forfor luti lalos uh.

Soakas soko luhn German fahk muh, “Olwelah uh oacna mahlwem fohnlah uh. Fin tiac liyeyuckyang nuh sie, elos fah srihkweni lwen nuh ke lwen.” Oacna mempucr ke Alu luhn Jisus Kraist luhn Mwet Luhlahlfongi ke Lwen-sahflah uh, kuht otwelah in fahsr ke inkacnek luhn mwet tuhma lutlut uh. Kuht otwelah in ukwe srihkasrak luhn Mwet Lahngo lasr. Nuhnkwacalah luhpan ma facluh fah ahkinsewowoyeyuck ac eklac nuh ke ma wo ke mempucr nuh kwewa ke Alu luhn Leum uh moulkihn suwohs pwacye lalos—ekuhlah ke loaliyacn nguhnalos ac otwelah in muhsahi tohkoh-srah luhn God.

Ke kuhtuh ohiyac, kais sie sesr fah tu ke sie pacl in sulacalah ngwetlah liye inkof uh. Mwe pruhe luhk tuh in fah oasr luhlahlfongi lasr, fahsr nuh met, sun sahn-gweng ac suhmuhngguh lasr ke puhlaik, ac fahk nuh sesr sifacna, “Nga otwelah sihk!”

---

## LUTI KE PWENG SE INGE

“Sie inkacnek in kahsrh mwet lutlut uh in kahlwem ke ip yohk ke wosasuc uh pa in sang elos in

sroal petsac. Sroal uh lwelah elos in liye ac ahkkahlwemye kahlwem ac puhla lalos ke sramsram ac ip yohk ke wosasuc uh” (*Teaching, No Greater Call* [1999], 166). Nuhnkuh in riti pohloh kahs sacn, sramsramkihn ip yohk ke otwelah nuh ke wosasuc uh, na siyuck sin mwet ma luhngse in oruh sroal ke sie petsac ke sie mukwikwi ke wosasuc uh ma ahkkahlwemye otwelah uh. Tuhlihk fuhsr uh kuh in enenuh kahsrh ke ma in sroaliyuck uh.

## MWET FUHSR

### Ma Nuh Kwewa Nga Kuh in Sang uh Sel Alyssa Hansen

**N**ga elyhyak lah ngwac moli fuhkah ma nga luhngse in oruh ke summer uh: kuhlahs, lutlut, kacm ke summer, ac ma puhs sahyac. Nga nuhnkuh muh ngwac tuhngyak. Na nga esamwack ma nuh kwewa ma lutiyuck nga ke in oasr luhlahlfongi ke Leum uh. Nga sulacalah in sang ohiyac inge nuh in poun Leum ac luhlahlfongi lah fin ma ingacn kena Lal, El ac tuhfah sang sie inkacnek kac.

Tiac paht tohkoh, ninac kiyuck ah sokwack sie check in mani soenna kuhnanuci ke muhtuhn yac sac, ac ke na lwen tohkoh ah, nga eis kihtin sacn ke mail ah ke ahkluo ke sie siai. Fahkwack luhlahlfongi na wowo se pa inge nuh sihk lah God El mou, lah El luhngse ac elyah sihk ac fah kahsrh.

Nga sesseslah ke tarilacna ac luhngse luhn Pahpah tuhmuhk Inkuhsrao ac Mwet Lahngo. Nga puhla oacna ngan ke fokwelihk! Nga tuhpan in ahkkahlwemye luhpan kuloh luhk uh, in kaksahkihn God ke kuhiyuck nohfohn, ac in akacsruhi ke puhla sac. Mwet sahyac uh oruh ma inge pac ke sihm on, sihmihs soko poem, kuh sroali sie petsac, tuhsruhk nga puhla suhfal in oruh kuhtwena ma ingacn. Nga akihlen lah ma sefanna nga kuh in sang ma ac fal in ahkfuhlwactye an pa mou luhk uh—in oruh “sie mwe srihkasrak nuh selos suc luhlahlfongi” (1 Timothy 4:12), in sang mou luhk nuh sin Kraist. Pa ingacn ma nuh kwewa El siyuck uh, ac pa ingacn ma nuh kwewa nga kuh in sang uh.



# Tuhkuh nuh in Tempuhl ac Eis Mwet Insewowo Lom an

*Lutlutkihn kuhfa se inge ac, fin fal, sramsramkihn nuh sin tahmtahel kom muhtwacta yohroh an. Orekmakihn kihsen siyuck uh in kahsrwe kom ahkkweye tahmtahel wiyom an ac in oruh U luhn Muhtwacn in Kahsrhuh uh in ip utuftuf se ke moul lom sifacna an.*

Luhlalfongi • Sucu • Kahsrhuh

**T**ahmtahel, kuht ahkinsewowoye-yuck na pwacye. Mwet Lahngo El tu ke sifen Alu se inge. Kuht kolyuck sin mwet pahluh moul uh. Oasr ma suhmuhslah muhtahl nahtuhsr. Ac oasr tempuhl muhtahl fin facluh nohfohn ma kuht kuh in eis akwuck muhtahl ma enenuh in kahsrwe kuht fohlohk nuh yurin Pahpah tuhmasr Inkuhsrao.

Kuht som ke pacl se emet nuh in tempuhl kacsr sifacna. “Srihpac enenuh luhn tempuhl uh,” Elder Robert D. Hales ke U luhn Mwet Sap Singucul Luo an el ahkuhtweyac, “pa in sang akwuck fal nuh ke ma wacngihn sahflahiyac lasr ke tohkohsrahi luhn celestial uh. Akwuck muhtahl ke tempuhl uh kol kuht nuh yurin Mwet Lahngo lasr ac use nuh sesr mwe insewowo ma tuhkuh nuh sesr ke Iwacalah luhn Jisus Kraist uh. Tempuhl uh pa acn in lutlut na wowo se emet ma etweyuck sin mwet uh, use nuh sesr etwacack ac lahlmwetmwet ke Oreklac luhn facluh ah. Mwe ahkuhtweyac ke mwe sang wolacna uh use kolyuck oacna ke ma kuht enenuh in oruh ke moul lasr inge ke moul in mahno uh. . . . Akwuck muhtahl uh nein sie mwe ahkuhtweyac na yohk srihpac ke ohiyac kuht in moulkihn ac olwelah kuht orwacalah in moul suwohswohs ke

ukweyacn Mwet Lahngo lasr.”<sup>1</sup>

Tuhsruh kuhlwasncsap in tempuhl lasr uh tiacna sahflah we. Prestuhn Boyd K. Packer, Prestuhn ke U luhn Mwet Sap Singucul Luo ah, luti: “In ekihn mwet ayaol luhn sie mwet suc ahlukwelah lihsrlihsr sac, kom ac fah sifil liye ye motom olwelah ma kom orwacalah ah. Kom ac fah ahkkweyeyuck ke nuhnak lom ke mwe insewowo yohk luhn nguhn ma oasr ke lohm sin Leum uh. . . . Ke olwelah ac akwuck muhtahl uh ahksuwoshye mwe insewowo ma kom eis lun tempuhl muhtahl uh.”<sup>2</sup>

Tuhkuh nuh tempuhl na sifil tuhkuh pac. Orwacalah ac liyacacng olwelah in tempuhl uh fah karihngihn kuht ke inkacnek ke mwe insewowo ma wo emet uh— moul ma pahpaht.

**Barbara Thompson, mwet in kahsrhuh ahkluo luhn U in Kahsrhuh luhn Muhtwacn ke prestuhnsi luhlalhp.**

## **Ke Ma Suhmuhsrah**

Isaia 2:3; 1 Mwet Korint 11:11; Fwackyuck 7:13–15; Doctrine and Covenants 109

## **Ke Ma Mahtuh Lasr**

Mwet Pahluh Joseph Smith el kwacna sramsram nuh sin tahmtahel ke U luhn Muhtwacn in Kahsrhuh

ke miting lalos an. Ke muhsahiyuck Tempuhl Nauvo ah, Mwet Pahluh el sapkihn tahmtahel uh ke mwe luti uh, ahkoeloslac in eis etwacack ke akwuck muhtahl luhn tempuhl uh. Ke 1842 el fahk nuh sel Mercy Fielding Thompson lah mwe sang wolacna “fah eskomlac liki lohsr nuh ke sie kahlwem na wowo.”<sup>3</sup>

Tausin ohnkohsr ke pihsen Mwet Luhlalfongi ke Lwen-sahflah uh eis akwuck muhtahl lun tempuhl uh met liki elos tuyak liki acn Nauvo ah. Prestuhn Brigham Young (1801–77) el fahk, “Kain in rahrah ma ahkkahlwemyeyuck sin mwet luhlalfongi uh in eis akwuck muhtahl [ke tempuhl], ac kain rahrah ke ip lasr in kahsrwelos, ma nga eisyucyang sifacna nuh ke orekma luhn Leum lun Tempuhl ke fong ac lwen, eis ao na ahkosr in mutul, ke luhpah fal se, ke kais sie lwen, ac som nuh lohm ah tuh ke pacl se ke wik se.”<sup>4</sup> Ahkkweye ac kuh ke olwelah in tempuhl uh ahkyohkye Mwet Luhlalfongi ke elos som liki city ac tempuhl uh nuh ke sie fuhfahsr-yucsr nuh ke acn tiac etweyuck.

## **MWE KAHSRUH AN**

1. Robert D. Hales, “Blessings of the Temple,” *Liahona*, Ohktohp 2009, 14.
2. Boyd K. Packer, *The Holy Temple* (1980), 170, 171.
3. *Teachings of Presidents of the Church: Joseph Smith* (2007), 414.
4. *Teachings of Presidents of the Church: Brigham Young* (1997), 299.

***Meac Nga Kuh in Oruh uh?***

**1.** Puhlakihn fuhkah ma nga kuh in akacsruhi in ahkkweye mwet ma nga muhtwacta nuh yohroh ke nuhnak lalos in “tuhkuh nuh in tempuhl uh”?

**2.** Nga kuh in eis mwe in sewowo luhn tempuhl uh fuhkah?

Nuh ke kuhtuh pac mwe etuh, som nuh ke [www.reliefsociety.lds.org](http://www.reliefsociety.lds.org).